



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 11. Bogomilorum errores.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

odor præsentis offenderet, fumusque vix paulo magis quam antea nigresceret. Populus Basilii Sectatores quoque, quorum magnus numerus tristem Magistri sui exitum spectabat, flammis tradere gestiebat, sed vetuit Imperator, cui satis fuit jubere, ut carceri manciparentur. In eo longo tempore custoditi sine pœnitentia e vita migrarunt.

Sæcul. XII.
A.C. IIII.

§. XI.

Bogomilorum Errores.

Alexio Imperatore jubente, errores Bogomilorum literis mandavit quidam Monachus, nomine Euthymius Zigabenus, Matri Imperatricis Irenis & omnibus Clericis notus. Is Grammaticæ regulis apprime instructus, nec artis benedicendi ignarus, in Doctrina Ecclesiæ ita versatus erat, ut nemo magis. Itaque ab Imperatore jussus opus scripsit, in quo omnes Hæreses exponebat, atque singulas ex auctoritate Patrum refutabat. Quem librum Imperator Panopliam Dogmaticam, seu viri Docti Armaturam appellavit. In eo opere Euthymius Hæresim Bogomilorum recenset eum in modum, quo eam ex ore Basilii acceptam Imperator in chartam, ut supra meminimus, referri jusserat. Summa autem Errorum hæc fuit.

Anna. p. 490.

Euthym.
Panop. tit.

23.

Reji-

Sæcul. XII.

A.C. III.

Num. I.

Rejiciebant Bogomili Mosaicos Libros, ceterosque Veteris Testamenti, excepto Psalterio, & sexdecim Prophetis. Novum vero Testamentum totum recipiebant. Confitebantur Trinitatem, sed solum verbis, nam revera tria nomina soli Patri tribuebant, dicebantque, Filium & Spiritum Sanctum non prius quam anno Mundi quinquies millesimo quingentesimo extitisse (quod circiter ad tempus Nativitatis Jesu Christi referri potest) & post annos triginta tres cum Patre fuisse confusos. Ut ipsi fabulabatur, Deus antea habuerat alium filium, nomine *Satanael*, qui cum seditionem commovisset, & Angelos in suas partes pertraxisset, cum iisdem de Cœlo dejectus fuit. Is deinde alterum Cœlum condidit, & reliquas Creaturas visibiles, Moysen decepit, eique veterem legem dedit. Ad ipsius potentiam destruendam Jesus Christus advenit, & postquam rebellem in Infernum inclusit, ultimam syllabam ipsius nominis, quod Angelo conveniebat, subtraxit; unde jam *Satanas* vocetur.

Satanael &
Satanas.

Dicebant, Verbi Incarnationem, ejus vitam super terram, ejus mortem & Resurrectionem, ceteraque omnia inanem rerum speciem fuisse, & officias, quibus *Satanael* falleretur. Quare Crucem horrebant & rejiciebant. Nostrum Baptismum

mum damnabant, Joannis esse dicebant, Sæcul. XII.
 quod per aquam fiat, & eos, qui ad im- A.C. IIII.
 piam ipsorum deficiebant Sectam, reba-
 ptizabant alio Baptismo, quem Sancti
 Spiritus esse jactitabant. Dicebant, Dæ-
 mones a se solis aufugere, in singulis au-
 tem reliquis hominibus singulos Dæmo-
 nes habitare, qui eos ad omnis generis
 peccata committenda impellerent, nec
 ipsos etiam in morte relinquerent. Ev-
 charistiam contemnebant, & Sacrificium
 Dæmonum appellabant, nec aliam Com-
 munionem confitebantur, vel aliam Cœ-
 nam, quam petitionem panis quotidiani
 in precatione *Pater Noster*. Reliquas Matth. 6. 7.
 precandi formulas tanquam multilo-
 quium Gentibus conveniens aspernaban-
 tur. Orationem vero Dominicam se- 17.
 pties die & quinquies nocte frequenta-
 bant. Omnia templa manu facta damna- 18.
 bant, ne quidem templo Jerosolymitano
 excepto, eaque Dæmonum Sedes esse di-
 cebant, unde in Ecclesiis nunquam ora-
 bant. Sacras imagines spernebant, & 42.
 Idolorum loco habebant. 11.
 Sanctos prædicabant, quam Prophetas,
 Apostolos & Martyres, Episcopos autem
 & Ecclesiæ Patres, tanquam Idolorum
 Cultores, reprobabant. Ut Pseudo-Pro-
 phetas habebant S. Basilium, S. Grego- 45.
 rium Nazianzenum, ceterosque Patres.
 Imperatorum nullos nisi Iconoclastas, in- 46.
 primis

Sæcul. XII. primis Copronymum, orthodoxos fuisse
A.C. IIII. affirmabant.

- Bogomili omnes Catholicos Phari-
sæos esse & Sadduceos, viros autem lite-
ratos Scribas calumniabantur, quibus sua
31. 47. *Matth. 13.* Doctrina communicanda non esset. Si
28. Bogomilis fides habeatur, duo illi Dæmo-
niaci, qui in sepulchris habitabant, Ty-
49. pus erant duorum ordinum, Clericorum
& Monachorum, degentium in Ecclesiis,
in quibus ossa mortuorum (id est Reli-
quæ Sanctorum) custodiuntur. Item,
Luc. 9. c. 8. 27. 28. *&c.* ipsis Evangelium explicantibus, monachi
significabantur per vulpes, quæ foveas
suas habent, Stylitæ autem sub aperto
cælo in columnis persistentes, erant illis
volucres Cœli, quæ nidos suos habent,
& quas Deus nutrit. Ita Bogomili Do-
ctrinam suam superstruebant S. Scriptu-
ræ textibus, quos pro suo arbitrio alle-
gorice explicabant. Licere sibi puta-
bant, errores suos dissimulare, & quibus-
cunque demum fraudibus ad servandam
vitam uti; unde non facili negotio dete-
21. gi poterant. Monachorum habitu ince-
24. debant, quo magis laterent, & facilius
viam ad insinuandam aliis Hæresim suam
invenirent. Matrimonium damnabant,
& omnem utriusque sexus conjunctio-
nem, quasi corporibus carerent, prohi-
bebant. Præcipiebant, ne quis carnibus
aut ovis vesceretur; ad convivium vero
invi-

invitati plus ceteris opipare epulabantur, quare nec ab aliis rebus sibi temperare credebantur. Princeps Regia Anna Comnena fatetur, se cupivisse Bogomilorum Hæresim exponere, sed verecundia & modestia sexui suo innata fuisse prohibitam, ne linguam scœdaret. Ideoque lectorem ad librum Euthymii remittit. (*)

Sæcul. XII.

A. C. 1111.

Alex. lib. 15.

p. 490.

Bogo-

(*) Addit Natalis Alexander, pag. 167. Sæc. XI. & XII. *Juxta Bogomilos Rachelem fuisse mulierem viduam, quæ cum duas haberet infantes filias, quo tempore Herodes pueros omnes interfecit, honorem & gratiam apud ipsum se inituram arbitrata, eas in speciem marium mutatas attulit. Quæ cum essent pariter interfectæ, Rachel ita lugebat, nullam ut consolationem admitteret. &c. Item, Catholicam Ecclesiam esse Herodem, quæ Verbum apud eos natum occidere conaretur. &c. Ceterum cum Patriarchæ Constantinopolitani communionem cum Sede Romana Apostolica, quæ Ecclesiæ Universalis centrum est & vinculum, servasse non legantur, ipsi quoque nullatenus meliorem, quam Bogomili Regulam, nec majorem auctoritatem in explicando S. Scripturæ sensu habebant. Ideoque, ut alia prætereamus, revera in Doctrina de Processione Spiritus Sancti fallebantur. Hinc Bogomilorum, Græcorum, Protestantium & denique omnium illorum, qui, cum S. Scripturam interpretantur, rejecta Ecclesiæ Romanæ auctoritate proprium*

Sæcul. XII.
A.C.1111.

Auß. Bibl.
PP. 1614.
to.2. p.292.

Bogomilorum deliriis expositis, Euthymius Ismaelitas quoque, seu Musulmannos refellit. Primo Historiam Mahometis summatim refert, ostenditque eum a nullo Prophetarum fuisse promissum, nec ullo argumento confictam missionem suam probasse. Præcipua Dogmata ex Alcorano refert, cujus capita & verba citat, atque ineptias in hoc libro contentas explodit, qualis est illa, quod auctor libri Mariam sororem Moysis, & Virginem Matrem JESU unam personam fecerit, & quod sermones, quos adspirante Numine se hausisse dicebat, adjunctis anilibus fabulis impleverit.

Nicolai Grammatici Successor fuit Johannes, Diaconus, *Hieromnemou* Ecclesiæ Constantinopolitanæ, & frater Episcopi Calcedonensis; hinc ab illa urbe cognomentum accepit. Eum a puero literis Sacris profanisque eruditum, defuncto Nicolao, Alexius Imperator, in Ecclesiam ingressus, Patriarcham populo denunciavit, qui deinde hanc Sedem annis viginti tribus tenuit.

§. XII.

prium sequuntur judicium, diversitas in eo tantum sita est, quod alii magis alii minus a veritate aberrant.